

四庫全書

集部

欽定四庫全書

文氏五家集卷九

明文嘉撰

和州詩集

天池

天池之山今始到
仰首忽見蓮花峯
池水潺湲瀉琴筑
石壁巖巖開芙蓉
春疇連延麥初熟
暮嶺迴合烟已重
肩輿催予下山去
悔不此地巢雲松

欽定四庫全書

文獻五言詩
卷九

善權洞

石室山人去不返亭亭一柱玉當門
飛流實聽雷霆闢怪石虛疑虎豹蹲
梁帝斗壇荒草積十仙題字古苔昏
聞道潛通三萬里幾時騎鹿看真源

張公洞

福地真傳霹靂開仰空虛竇看崔嵬
千盤磴道穿深黑萬古仇池接往來
頗怪洞中常見日翻從地底一登臺
聳身忽自厓間出回首仙源悵草萊

石湖八絕次王履吉

范相祠前水接天
越溪莊上柳如烟
石湖盡是青油舫
不數西湖有畫船

行春橋影卧長虹
落日波搖萬頃紅
山似蓬萊人似玉
杖藜徐步水晶宮

拜郊臺迥插蒼天
茶磨峯高凌紫烟
一線太湖雲外見
萬家烟火望中懸

補陀巖下石梁橫
醉卧能令萬慮醒
亦有蒼藤懸日月

只無江峽鬪雷霆

澄碧樓高盡面湖
草堂清寂坐虛無
倚闌烟水皆鷗鷺
拂檻松杉揔畫圖

鷓鴣鷓鴣滿晴沙
紅杏夭桃亂著花
十里湖山開畫障
一雙小艇載琵琶

村前村後幾家住
家家桃李花如蒸
偶然來上岡頭望
鷄犬桑麻似武陵

湖上羣山濕翠濛
寺前楊柳綠烟濃
越王臺榭千年恨

估客帆檣萬里通

寒山寺

春尋古寺幽相與話前修
名豈寒山得詩曾張繼留樓
鐘虛夕照橋影急河流尚怪
石龍柱挈雲勢未休

蘭亭

曲水蘭亭宴風光屬暮春
豈惟酬勝賞聊用樂嘉賓
酒罰杯無算書成筆有神
翻憐金谷會回首跡俱陳

泛長蕩

孤舟穿葦去水薄動寒沙水鳥時集樹饑羊晚到家浮
游波上梗飄泊浪中花惟有青山色依然一道斜

己酉冬夜同大姪宿夷亭舟中有懷幼子

卧穩舟如屋更長夜似年懷人聞過雁燒燭檢新篇犬
吠疎籬外潮生曲港前相攜阿咸在聽雨得同眠

清湖洲

清湖洲上草痕青沙水流成文字形萬古波濤終不改
舟人指點說寒汀

金牛寺

金牛泉畔古招提
常日來遊路不迷
問斗尋源幾人到
春風春雨鷓鴣啼

梅林渡

梅林渡口幾頻過
水面曾看利涉多
萬樹瑤華千尺浪
隔江山水鬱嵯峨

追和元雲林倪徵君江南春詞

三月江南薦櫻筍
鵲鵲鵲鵲迴塘靜
蛛絲縈空網落花

雲母屏寒浸嬌影簾外沉沉春霧冷綠蘿欲覆花間井
泥金小扇幃紗巾畫橋紫陌踏芳塵花開遲水流急
江鴨對眠莎草濕吳姬如花不及摘花笑映溪流碧
楊柳烟籠萬家邑柳下王孫為誰立幽渚泥香生綠萍
閒看梁燕壘經營

婁江

婁江流水渺蒼烟無限晴波滿目前冉冉時看鷗鷺下
悠悠疑與海天連風濤隨處喧行客舟楫還能濟巨川

我欲因君泛溟渤乘槎直到女牛邊

虞山七檜

虞山山下七株檜云是梁年天監栽落落離立老氏廟
森森遠映昭明臺風生似聞豺虎鬪雲起直訝蛟龍來
莫言委棄未得用已見磊落俱奇材

岳陽樓

突兀高城俯碧流城頭縹緲接飛樓坐看汶泗雙波合
隱見龜鳧疊嶂浮賀監清真應不泯謫仙詩律若為酬

憑闌無限懷賢意目送孤鴻度遠洲

白燕

雙燕翩然下竹扉曉簷霜羽弄輝輝誰言白鳥非玄鳥
肯信烏衣是雪衣小院風輕迷蝶去滄江日暮伴鷗歸
也知自惜奇毛羽不向朱門汗漫飛

與友人釣魚

曠野煩襟豁青天素月流不因同二阮那復此奇遊
磐石偶余契絲綸亦漫投平生釣竿興隨地可銷憂

毘陵道中

暫弭毘陵楫來尋隱者居門前一池水案上數函書畫
就雲生壁詩成月在渠盤飧莫兼味聊為摘園蔬

雪浪閣

雪浪閣前明鏡開崇元觀裏徘徊松風潭月依然在
只欠仙人跨鶴來

螺子山

螺子山臨北渚渚吾家丞相有新祠停舟展拜斜陽裏

一壑松風冷鬢絲

快閣

泰和快閣初登處極目江流樹外平
記得涪翁當日語
澄江一道月分明

蕉石軒

太湖石畔種芭蕉色映軒窓碧霧搖
瘦骨主人清似水
煮茶香透竹間橋

桃源圖

偶然避世住深山不道攜家便不還却怪漁郎太多事
又傳圖畫到人間

縹緲峯

縹緲峯高幾千丈太湖隔絕欲登難風烟每向詩中得
秀色今從畫裏看石洞幽玄林屋杳巖嵐層疊莫墮寒
杖藜何日捫蘿上萬頃平臨縱大觀

小齋蘭花忽開並蒂幼子有詩漫爾次韻書去索
笑非以角勝也

久知無喜到貧齋底事幽蘭並蒂開豈有芳馨結良友
端憐契分及凡材差差碧葉同心出冉冉清香兩鳳來
回首湘江隔烟霧楚歌何事尚餘哀

望廬山

長夏艤舟謝子港正見廬山水面橫隱隱香鑪浮紫翠
茫茫彭蠡蕩虛明雲烟誰辨東西寺道路空懸去住情
三日舡頭看不厭茲遊真足冠平生

鄱陽湖

彭蠡茫茫欲渡愁趙家園畔繫孤舟
深林禽鳥春偏樂古岸鼃黿晚自遊
形勝已看吳楚接江湖空抱廟廊憂
莫從道路嗟萍梗且進風前白玉甌

峴山懷友

暮春三月烏關關乘興來登湖上山
碧浪差差浮翠靄道場隱隱結蒼鬟
已無蓮宇荒筠外猶有窪蹲蔓草間
莫訝臨風倍惆悵故人何在獨躋攀

月夜同友人登盤門城

盤關自昔雄吳郡與客攜壺次第行孤塔岩嵒撐碧漢
萬山迴合遶秋城河流急映星初見雲樹依微月倍明
取醉但酬今夕興升沉莫問古今情

與子元長卿月下訪道園上人坐月白齋

乘興叩禪關蕭然水竹閒路危應九折屋住只三間齋
白日懸鏡花明菊破顏茶香解留客深夜不知還

郭侍御子靜謫永安

直疏干明主孤臣謫異方寸心元自赤遠道敢辭長雲

皎武夷月風清閩嶠霜大夫開萬里好去關豺狼

關水逢故人

萍蓬得故友水宿感烟波笛起關山弄杯停子夜歌竹
深防卧虎江近有鳴鼉興劇渾無寐翻嫌月色多

題石田品泉圖

唐子西云水無惡美以活為上故中冷第一惠泉次
之茶鄉乃欲抑江扶惠宜其不能服石田諸公也幼
子以此卷索題因次韻以復

江水山泉偶並嘗，新茶初試得清忙。
已欣陸子能題品，更喜吳君為較量。
揚子江心真活潑，惠山巖下有清香。
不須調水將符遞，千古清風自不忘。

送蔣僉憲之楚中

昔年離別豫章城，今日吳門又送行。
顧我衰顏成潦倒，憐君隨處有逢迎。
碧虛舊夢金陵月，紫綬初垂楚甸纓。
蘭棹徘徊莫遽發，故園楊柳正關情。

送顧從化赴荆溪書館次孔加韻

早春江上看雲生顧况仙舟此日行聞道傳經諸子秀
遙知孤坐一燈明山晴預蠟登烟屐茶熟先尋煮玉鐺
世事近來君莫問一編西去好爭名

贈幼子廬墓

埋玉空山裏終天恨可知結廬墟墓側草木動深悲
白日哀號地黃昏風雨時劬勞興念處忍誦蓼莪詩

首夏寒玉亭有懷伯起

春去綠陰成猶聞春鳥鳴雨滋庭草色風度壁琴聲靜

裏流光轉愁中白髮生偶來成獨坐念爾若為情

寺夜子庸有懷戲與聯句

月明古寺已黃昏孤笛聲傳自遠村

休承

憶得玉人籠

翠袖秋城西畔倚閒門

子庸

奉次伯起有懷之作

春山隱隱澹脩眉綽約丰姿冰雪肌聲度曲中楊柳恨
行移月下牡丹枝絕憐公子頻中酒况復蕭娘最愛詩
別後驚魂殊不定可堪連夕雨絲絲

至日子庸振伯小集

木落曉霜涵鄉園日又南
親朋欣偶集雲物麗相參
飯煮西湖米香分閩嶠柑
不須辭酩酊海國戰猶酣

和唐子畏韻

我昔曾過桃花菴菴中常遇桃花仙
吟詩寫畫茅茨下留客時時費酒錢
詩成每向壁間寫酒醉常來榻上眠
春風回首今幾歲屈指經過五十年
人生萬事何足問但願有酒常花前
世人妄想慕富貴不知富貴多前緣

窮通得喪固有命貧富壽夭皆由天誰云富貴勞且忙
貧賤驅馳亦不閒高車駟馬衣服鮮奔走紅塵襪履穿
若要心閒衣食足惟有歸耕百畝田

初歸志喜

歸來三徑未全荒拂拭重開舊草堂
几淨揩明似鏡研池新浴燦生光
客來親戚情多悅老去詩篇意未忘
莫道歸遲遲亦好猶勝終老滯他鄉

鄒進士吉甫謫廣西

吉州喜見志完生危行危言世共驚千古高名垂宇宙
一時正論重簪纓投荒萬里誰還惜去國孤身念已輕
我忝相知自疇昔新詩欲賦愧難成

雜題

空江木落思悠悠閒傍蒹葭弄小舟一段清光君獨占
底須回首羨輕鷗

跨馬出郊春尚寒飛流千尺下清湍赤欄橋在垂楊外
付與幽人盡日看

品泉嗜水陸鴻漸墨妙筆精王右軍烹茶寫帖關幽興
日暮看雲懷二君

巖壑層層生紫烟飛泉曲曲下晴川孤琴獨抱何須鼓
流水高山在目前

杜鵑花盛開友人攜酒賞之賦此

歸來堂上爛霞明十尺杜鵑開午晴蜂蝶尋芳入朱戶
美人侵曉摘繁英使君已訝甌東種逸士空談閩嶠名
喜見南鄰攜榼至園花傾酒倍多情

渡太湖

九秋霜淨冷菰蒲落日扁舟渡太湖
震澤波濤看底定三江風浪接虛無
亂山點點浮蒼玉遠雁雙雙下綠蕪
蝦菜幾時歸范蠡眼中披豁見雄圖

虎丘待月

為愛西丘郭外蒼春來三度到山堂
看碑每憶顏刑部對酒難忘白侍郎
石裂道傍誰試劍舟迴溪上客鳴榔
徘徊不是遲歸去要待中庭月一方

七夕

七夕年年乞巧同紛紛祈請走兒童中宵白氣誰能辨
萬古牽牛肯向東樹外綵樓雲縹緲庭前瓜果月朦朧
老儒不用蛛絲喜抱拙攜尊醉晚風

羽客載茗

路出華陽遠冠猶碧玉低輕舸載茶具送我過荆溪

山齋二首

山齋雨坐漫焚香几淨窓明竹樹涼午睡起來無一事

自翻殘墨寫瀟湘

掃地焚香閉閣眠
簾紋如水漲浮烟
客來夢覺知何處
掛起西窓浪接天

題陳道復畫

襄陽墨瀋未曾乾
十里瀟湘五尺寬
樵斧不禁苔徑滑
漁蓑常傍水雲寒
澄澄僧眼連天碧
澹澹蛾眉隔霧蟠
恐為醉翁當日寫
平山堂上雨中觀

嚴子陵釣臺

崔嵬絕壁映江開
落日停舟上釣臺
清卽已看垂萬古
客星何意動三台
林間冉冉青松滿
烟際飛飛白鳥來
莫向風前倍增感
古今名跡幾蒼苔

靈谷寺

帝京雨過氛埃淨
下馬來叅第一禪
松逕入門猶十里
袈裟布地已千年
諸公寶塔金身在
吳偉長廊粉墨全
雲氣常疑陵寢近
閒看白鹿下蒼烟

贈陶見塘邑宰

望裏塘非遠悠然紫翠橫水禽飛不定春草夢中生
苔
雲溪流潤江皋峽浪平近聞消息好花滿錦官城

贈承天理上人方池

高僧住畔有方池片片慈雲映碧漪長日誦經臨水坐
鳥啼花落不曾知

題桂花圖期基聖大姪

吾家二祖舊為郎相繼登朝立廟堂老我已無繩武志
阿咸好去續天香

彭思菴絕粒百餘日矣茲將登岳陽樓過吳言別
題此為贈

羨君絕粒事清修袖拂紅塵隘九州東泛已輕揚子渡
南行期上岳陽樓逍遙欲棄人間世浪跡真成汗漫遊
我亦采真元有意相攜何日到瀛洲

贈徐中洲

徐市求神仙入海竟不返蓬瀛渺雲濤相望歲華晚
中洲海上來眉宇青天開手持白羽扇笑上黃金臺

羊裘客燕冀出入侯王里長揖公卿間飄颻紫雲起
北渡黃河津洛陽多故人終然無所遇歸卧西湖濱
西湖茅屋冷自汲丹砂井明月下青松照見蕭蕭影
振策吳市遊相逢正清秋無人識梅福長嘯空悠悠
何須魯連子世事皆如此生計五湖煙功名一杯水
拂袖赤城虹相思何處逢儻騎雙白鹿招我五陵東

尹陽草堂

卜築尹陽下躬耕非所嗟風烟元水竹雞犬自桑麻波

引太湖近橋橫寶帶斜扁舟吾數到不及爾為家

後溪

卜築清溪後依然水竹間臨流看泛泛隔屋聽潺潺村
市小橋接危樓暮嶺環紅塵元不到不用掩柴關

採蓮詞

搖棹若邪津紅妝映水新歌聲何處起愁殺採香人
共入荷花去隔花聞笑語擊檝濺紅裳同來采蓮女
秋水灘灘碧荷花渚渚香蕩舟莫擊楫沙上有鴛鴦

雙雙采蓮女各有春心誰歌竹枝調春心應更深
朝朝采蓮去暮暮采蓮歸朝暮空相守思郎心欲飛
采蓮復采蓮花盡恐傷藕撥棹出花去女伴爭前後
舟中采蓮女岸上遊冶子兩意暫相窺無由得雙美
妾欲向花語花應對妾羞溪花與溪女相妬幾時休

雨亭

雨亭渺何許乃在西湖濱昔人雖已遠亭名今尚新望
湖莽烟水白鶴開嶙峋君能仰遺躅弔古披荆榛慷慨

懷往士高風薄秋旻躬為兩亭主揖讓烟霞身誰敢攀
逸駕聊用追芳塵

聞雷記事

甲辰臘月月幾望雨卧滄江聞夜雷豈是潛陽從地復
却疑行令自天乖烽烟西北憂方始飢饉東南力已推
白髮野人愁不寐起傾餘瀝盡深杯

送吳海峯吏部服闋北上

吳苑春風動征帆畫鷁催移忠孤念切許國壯懷開粉

署班猶接金臺轂已推邊陲正多事君有濟時才

送朱希直嘉興教授

檣李之官去還欣士得師土風知尚古鄉語聽常疑相
望只一水來游定四時分襟吾不恨好訪買臣遺

送月泉上人還荊州承天寺

兀兀春寒睡起遲叩門來索月泉詩吾師欲了西來意
月在青天水在池

三載南遊興渺漫扁舟渡海更叅禪補陀岩下蒼蒼月

還與山僧夜照泉

題扇贈友人會試

垂鞭約伴看花來紅杏牆頭萬樹開三月曲江春似海
好將新賦獻蓬萊

華補菴服闋北上分得春草自應知

春草自應知春風送客時可堪南浦恨愁詠北征詩水
遠花飛急天長雁去遲迢迢江漢意芳杜不勝思

虎丘與補菴敘別

夫子王佐才金門晚通直騰騫起當年骭髀辭鄉國忽
枉惠山棹別我滄江側因為虎阜遊談笑開胸臆俯拾
澗壑蓀仰攀鴻鸞翼同遊摠名勝山川互生色臨別意
難窮功名在努力而我笑非夫老驥空銜勒安得從君
揚周遊覽八極

滕王閣

帝子久寂寥江花自開落我來讀殘碑流雲掛虛閣

夜渡湘水

金
卷八
瀟湘一望白雲長
梧葉蒼山似故鄉
月色滿空聞夜漏
漁歌幾處徹秋霜

湘浦聞猿

江濶淒風起飄飄
一舸輕嶺猿斜日
裏猶作斷腸聲

湘江有懷

湘江湘水深如許
隔岸佳人隔花語
語罷月明秋滿天
斷續猿聲何處所
旅魂夜夜到鄉關
覺後相思仍楚山
幾番欲買君王櫂
愁見湘姬竹上斑

詠趙雪林燈帶

細剪冰紈疊浪輕
縈絲繚繞雪英英
霜凝雲母瑤花亂
水浸玻璃玉片平
白燕舞風憐縞袂
素娥乘月撫銀箏
瑤臺此夜真如到
不向龍宮夢水晶

芝田

曠曠紫芝秀續紛
生玉田氤氲結和氣
蔥鬱靄靄祥烟雲
葉經春暖靈根帶露鮮
芳華堪采掇服食侶羣仙

樂野

吾慕樂野子蕭然與世違青林玩流水白板掩柴扉雨
過知花落風晴看鳥飛閒來鋤菜甲勝採北山薇

登巉山絕頂

展游遂上巉山巔登頓危崖鳥道懸沃若川原紛曠望
清漣湖水共澄鮮圖經誰辨千年後往哲空懷百代前
惆悵偶來還即去無由獨往住蒼烟

送張子行北上

籍甚張公子聲華落九州十年文共校一日筆先投已

展題橋志兼無去國憂
吳門花柳暗看爾覓封侯

送潮溪北遊

君家谿上舊通潮
北去還憐道路遥
新水正逢春浩蕩
晚山初見鬱嵒峩
帆開澤國烟濤壯
雲接蓬萊紫氣高
惟有別離情不極
綠波芳草共迢迢

南巖

幽人北築碧山下
草堂正傍南岩開
烟霞時從几間落
雲氣每向窓中来
倏然東籬採菊去
倦矣西澗攜書回

何當日暮一矯首芙蓉削去高崔嵬

送揚州李君之任分水

聞君分水去動我壯遊思山脊慶雲峻溪流天目遲浙
濤應慎渡越樹好題詩儻過桐江上無煩問釣絲

桐山

卜築桐山下蕭然一徑深門開蒼霧合窓鎖綠雲陰風
至洗塵意月寒清道心蹇予思獨往石上鼓瑤琴

今日

今日復今日今日何其少今日又不為此事何時了人
生百年幾今日今日不為真可惜若言姑待明朝至明
朝又有明朝事為君聊賦今日詩努力請從今日始

明日

明日復明日明日何其多日日待明日萬事成蹉跎世
人皆被明日累明日無窮老將至晨昏滾滾水東流今
古悠悠日西墜百年明日能幾何請君聽我明日歌

無題

白羅輕扇映芭蕉翠帶無風也自飄一段愁心付江水
魚書欲寄恨迢迢

月明庭院已昏黃團扇風輕夜漸涼自折花枝調鸚鵡
不知金殿鎖鴛鴦

桂枝風冷夜悠悠皓月呈空五采流莫怪停砧不能寐
從來閨閣怕逢秋

宮樹輕霜葉葉丹御溝流水自漫漫一從韓媛題詩後
時有行人立馬看

春寒惻惻理宮粧
雙燕歸來繞畫梁
風暖畫間人不
到
碧桃花下舞霓裳

赤闌橋下水悠悠
綠樹層陰逗草幽
不是西施弄飄戲
愛將嬌影照清流

瑤編曾覽梅妃傳
素簾新窺點頰圖
不似孤山渾寂寞
橫斜疎影照西湖

送張立菴邑侯應召之京

清秋風動起新涼
驄馬鳴珂入帝鄉
三載政聲傳邑里

九重徵召起循良
臨民譽在還霄漢
濟世才能佐廟廊
替筆朝朝侍丹陛
好將民隱達吾王

送崔德卿北上

寂寞一杯酒送君
千里行郵亭不折柳
上苑好聞鶯雀
君少年不得意
骭胝江湖弄烟水
晚將經濟入承明
歎見風烟五雲起
吳王城邊秋雨晴
長江八月波濤平
丈夫晚達君莫恨
今日朝廷重老成

天泉

誰見黃河天上來
黃山一派接蓬萊
飛流直下三千丈
倒捲銀潢雪水迴

九日遊勝感寺訪月寮上人

九月九日勝感寺
載酒攜琴訪遠公
古柏叅天氣蕭爽
疎林搖日亂青紅
山河指點風烟異
雲物登臨感慨同
予亦佳名愛重九
只無述作繼陶翁

端午日與羅念菴登郡樓

佳晨五月逢端午
與客攀躋上郡樓
西去羣山龍欲走

東來諸水海常流
登臨已愛真吾土
騁望還能銷客憂
北首長安瞻咫尺
浮雲隔斷渺予愁

白牡丹

濃香遍京洛
幻此水晶盤
承露春風冷
尤宜月下看

木筆

紫艷吐朝霞
書空吐歲華
何當簪爾去
日日草黃麻

紫薇

庭下紫薇花
點點凝腥血
何如獨對時
浸此一鉤月

萱

愛爾北堂花秋來色逾好我有懷親憂無由為子掃

次孔加韻贈田金吾

京兆田都尉青山早拂衣詩成惟自詠集罷已忘機
案几頻開畫風烟半掩扉空庭見黃葉猶自一山飛

和吳射陽帝京樂

秣陵自昔好秋光風落天芬滿路香雲月家家搖彩筆
烟花處處闌紅粧畫舫競泛秦淮水寶馬爭馳蹴踘場

莫道近來彫敝也笙歌日日醉重陽

舟中書所見

南京小女噸青蛾嫁得浮雲水上過
坐在柁樓渾不語祇應雙袖濕青羅

題刻絲蟠桃壽姚秋澗母

織女機絲刻畫勞天孫雲錦爛雙桃
瑤池不進尋常筆剪得鮫人一片綃

同許仲貽趙鷺洲王同橋秦淮秋泛之作

秦淮水色湛水壺共泛扁舟入渚蒲山遶石城天塹遠
江涵秋影地維孤誰聞沙上歌商女每向波間憶壯圖
爛醉笙歌掉頭去汀禽沙鳥漫相呼

芝溪

曄曄靈芝傍碧溪澄波涵玉漾玻璃幽貞不作明堂供
白鹿時來護竹堤

送趙循齋入覲

十月江南天雨霜萬方玉帛會琳琅河流已喜波濤息

茂苑元知惠澤長舉世幾人先廣漢
朝庭今已闡明堂
臨岐不盡瞻迴意拭目林間睇鳳翔

南溪

溪南有茅屋日日面溪流
有時倚檻觀白鷗白鷗飛處
青山秋不妨坐釣垂直鉤
徜徉泉石忘吾憂

送劉玉橋北上

歲晚江空岸草枯故人舟楫向皇都
相逢不盡相違意
寫得天寒欲雪圖

送燕華山會試

燕君策馬向燕山
霄漢蓬萊咫尺間
無奈春風催獻賦
桃花一路照朱顏

石橋別

愛此白石梁
况對橋上月
攜手素心人
而於此中別
歸來明月還
照我光濕瑤階露
華墮疎鐘不鳴偶
回顧嚴城層層已深鎖

暮相思

暮歸月在庭庭花已漸發不見月中人悵望花間月

春雨憶孔加

濛濛細雨集洗滌此幽林虛館絕塵想緬馬懷同音綠
草已盈砌芳醕聊自斟欲往限南北褰裳畏泥深人生
豈有涯歡會當及今無由寫耿抱撫事獨沉吟

虎丘月下送子任赴湖廣憲副

奉使遠持三楚節乘春同作夜山行月浮皓彩天中見
塔繞紅燈樹裏明山色溪聲終古在賞心樂事幾人并

酒闌不盡相違意愁見江頭春水生

陳氏園次韻再送子任

風裊垂楊枝弄柔城闌偶集野堂幽已過佳節愁芳會
又續林燈作夜游杯色盈盈滿罇酒歌聲噦噦隔花喉
武陵桃源花正好此去君應無別愁

送人之金陵

送子秣陵去風烟我舊遊青山雲外寺綠樹水邊樓塵
榻家家下新詩處處留鳳凰臺尚在莫負酒如油

送顧小川典籍使代還朝

星槎八月迴閭闔九天開暫弭吳門楫同銜江上杯
滄洲吾尚困青瑣爾真陪自悵風塵侶還憐霄漢才
清秋楓葉赤離思杳難裁既愁津樹遠復恨逝波催
他時相憶處明月照疎梅

送陸玄岳安州別駕

陸機詞賦擅東吳小試卑官鬱大儒
易水風烟應似舊悲歌今有昔人無

一宮潦倒易河東薄領紛然嘆道窮聖世百年思禮樂
豈無真識薦王通

蠶桑圖

柔桑春半葉離離采摘盈筐手自持頻視蠶稠愁葉盡
肯從桃李問花枝

五湖

浪接五湖天澄波凝紫烟蒹葭明遠渚鷗鳥下平川吟
玩天隨句虛無范蠡船一罇消日月彷彿御蓬仙

送周公瑕之金陵次張伯起韻

仲夏園林草木長
花間把酒別周郎
風塵早已侵愁鬢
琴劍行看上野航
獻賦馬卿才未達
校書劉向筆逾蒼
只應後夜秦淮月
兩地風烟照渺茫

送人游襄陽東岳

清秋掛帆去汗漫
采真遊古洞尋三秀
仙壇散百憂風
烟元冉冉雲物共
悠悠踈豁憑誰寄
應登黃鶴樓

病

不謂愁傷肺能令意少歡酒杯渾欲廢書卷厭頻省事
數驚新變哀猶著舊冠壯心零落盡高枕且加餐

送凌道山應召之京

文聲馳故國政譽霽宜春丞相知名舊銓衡得士新定
逢調鼎鼎寧復久風塵不盡相違意臨歧一愴神

送華補菴九江還朝

九江欣報政虎阜悵維津績比清流潔情隨白髮新臨
高宜曠望撫石愛嶙峋莫訝難為別分襟迹易陳

送門神次石田先生韻

衡門執戟兩閒兵
澆酒逢除漫爾榮
四序相隨如有戀
一年同住豈無情
幾因風雨銷金鎖
不為馳驅損赤纓
自古功成身合去
肯將流落怨時明

送江陰趙宰

澄江三載嘆賢勞
果見徵書起俊髦
千里長江增保障
百年吾道立高標
堂陰歷歷羣黎愛
行色蕭蕭匹馬遙
此去五雲知柄用
好陳彫敝荅清朝

成化間海南進紅鸚鵡石田先生見而圖之近予
友顧君亦於海南得二翼朱衣翠裳觀者驚嘆惜
不能置之上方耳昔昌黎感二鳥而作賦予又嘆
斯鳥之不遭也

何處珍禽繫碧籠綠衣今已換腥紅聖王方重禽荒戒
零落朱衣野草中

畢潭

畢潭潭邊我屢過風烟近日復如何曾攜艇子狎鷗鷺

每憶汀洲足芰荷主人況是陸魯望愛客能為漁父歌
沙明水碧無由往羨爾全家住薜蘿

贈陸虛臯

住近伯通橋烟霞隔市朝齒臨三老近飲赴八公遙月
白時聞笛風清或聽簫承家有賢嗣知不混漁樵

送湖廣族人還

吾宗有賢秀迢遞自衡來遠道兼程發孤舟隔歲回江
潭雙目送春渚亂雲開我亦思先德無由掃綠苔

次錢叔寶韻題鳳山扇

綠柳差差長天桃故故飛燕翻波共掠鴛宿渚同依風
外荻芽亂沙邊雲影稀吳娃莫蕩槳濺水濕紅衣

舟雨

日日舟中住兼旬雨勢狂夜逢驚滴滴曉溜厭浪浪直
恐蛟龍起深愁鳥雀藏垂垂正未已何處覓驕陽

蔣氏西園

聞說西園勝風烟近若何蜀山連嶺秀罨畫引源多水

竹饒魚鳥波塘足
菱荷買田吾儻遂乘興數來過

次張伯起韻


偶向溪邊共繫舟
風烟隨地得同遊
雲開罨畫千山秀
雨歇銅棺五月秋
踪跡飄搖疑梗漫
乾坤浩蕩與身浮
莫言罇酒論文事
煮茗焚香事更幽

贈朱鎮山

君有經綸志
今為廊廟材
風烟鎮山在
竹樹野堂開
隱几浮蒼靄
攜書映紫苔
蹊塗茅塞久
煩與闢蒿萊

寄吳半溪

荆溪溪上碧烟虛最愛吳髯水竹居
半畝清池堪引釣一窓疎影礙臨書
每因月出常穿徑幾為花開小住車
回首風煙秋欲暮題詩問訊近何如



文氏五家集卷九

欽定四庫全書

集部

文氏五家集卷十至十二

詳校官中書臣陸湘

侍讀臣孫球覆勘

總校官檢討臣何思鈞

校對官庶吉士臣潘庭筠

謄錄監生臣薛振基

欽定四庫全書

文氏五家集卷十

明文肇祉撰

錄事詩集

四言古詩

悠悠厥初篇述祖德也

悠悠厥初爰自西伯以謚為氏系用以翼漢有蜀守聲
名洋溢學校聿修民沐其澤若晉儒林文學藉藉有唐

節義光于史冊 維指使後歷世徵庸宋至寶祐篤生
信公義盡仁至大顯貞忠迨我始祖宋咸淳中宣教衡
州是為衡宗衡岳廬陵譜牒寔通 衡山之麓迺世其
族金紫大夫猶食宋祿載世元季迺易武服佩金虎符
武昌振肅國兵既下鎮遠繫獄赦長千夫戎勲備錄
長子驍健入侍高皇剪平偽漢特被寵光賜名錫
服厥族用彰時八世祖從兄平揚職充散騎徙居蘇杭
蘇之有文寔自衡陽 我祖存心占籍長洲皇矣涑水

敷教優柔甲科繼起恩渥寵褒牧伯中丞世濟其休顯
顯祖考作德好修薦修國史翰苑名流 我父是承世
德克存南北二雍桃李盈門嗟予寡陋宿好是敦述此
祖德貽我子孫

悠悠厥初五章章十二句

巍巍岱山 登泰山觀日出也

巍巍岱山五岳之宗蟠九百里上有秦封 巍巍岱宗
元君有宮俯視下邑鳧繹龜蒙 載登天門層巒蔽空

秦觀在西日觀其東梁父左控石閣右通 載登高峯
憇于石室卧聽松濤夜觀日出蓬瀛海島周覽惟悉
瞻彼同巖羣仙並列叩彼金童授我寶訣金泥玉簡終
莫能詰 載登載瞻身若羽化骨異玄丘思旋其駕迴
觀其巔誠小天下

魏魏六章二章四句四章六句

壬戌之秋 游西山也適符蘇公游赤壁之期
壬戌之秋七月既望薄言西山于邁以往我懷蘇公寔

可景仰歲月日時適值其當有酒有肴以詠以唱載遨
載嬉幽情思暢卧聽泉流枕看月上四山寥寥形骸放
浪赤壁之游曷足多讓今之視昔不無慨悵

壬戌一章章二十句

神禹篇 頌大中丞南充王師督漕也

神禹治水天地平成觀河思績功莫與爭維我王公邦
國之楨漕河之命厥任匪輕決之排之以經以營䟽之
鑿之由地中行國脉以宣國計其盈惟我中丞赫赫厥

聲粒我蒸民民咸用情惟予小子頌德維誠

神禹一章章二十句

晨風篇 送虞部楊汝大奉詔南征也

晨風飄飄王事于適子之往矣我心慆矣 將子何徂
王事敦我中心搖搖孰念其瘁 莫非王事毋為忉忉
既曰仕矣遑恤其勞 子謂何求王事靡執余諒子心
子亦何憂

晨風四章章四句

肅肅篇 送侍御吳明卿印馬于齊魯地也

肅肅王命吉日于征左右陳行我馬其騁有馬駟
駟在齊之垌維騂維黃有驪有青有馬駟駟在魯
之林如騅如雲蹻蹻駸駸有駸其駟夙夜在公我
職斯稱我馬既同駸彼乘駟夙夜于外式遄其歸
載言載會

肅肅五章章四句

樂府

賡有明饒歌鼓吹曲六篇

饒歌作于黃帝岐伯以揚德建威風敵勸士也漢魏
吳晉諸臣代有作者而唐柳宗元準漢曲篇數用魏
晉義為唐饒歌十二篇一皆揄揚其祖宗之功能亦
雅頌之流亞也至於我朝陶學士安作大明饒歌三
闋嘉靖初表督學襄亦做為皇明饒歌十三篇皆以
稱頌高皇放勲宏德之盛茂以加矣愚生也賤敢效
唐臣合紀高祖太宗之美而賡歌之援舊題以成新

曲共成六章擬之雅頌非曰能之而施之後日歌以
為容不亦幸歟

聖人出

漢古辭也我高皇帝起自臨濠而奄有天下誠不世
出之聖謹用其題以賡歌之

聖人出六龍飛天眷德起濠西撥亂反正天與人歸掃
前元正綱維都建業式九圍復自古帝王之區奠萬古
帝王之基

定武功

魏繆襲國初破鄴而作謂武功之定始於此也高皇
渡江取太平諸路武功亦定于是

定武功始渡江江水茫茫鼓聲鋒鋒下采石平淮揚東
收吳越西定湖湘中原河洛恢其疆秦晉燕趙咸歸降
鎮南粵來越裳武功定兮殺伐張廣輪撫兮歌元良

伐烏林

吳韋昭頌魏武克敵也我皇祖驅殘敵而元君自烏

林奔于漠北亦用舊題而歌焉

我師驅故元直抵漠北境王旅奮義威宵奔絕形影太白冥天狼淨戰壘無復存烽烟竟全屏全師奏凱旋踴躍踰燕領萬載慶昇平中土永寧靖

宣輔政

晉傅玄以其主網羅文武之才定二儀之序也高皇之命將出師盡得死力其一時人才如徐常輩豈晉魏諸臣所能及其萬一哉

輔政資多賢俊又在官使我皇善任才文武咸願仕多
士起濠城四方亦戾止功成歌皇風萬國皆遵軌自古
得士心誰復能如此

應帝期

繆襲言文帝以聖德受命應運期也成祖文皇
帝順天撫運而繼志述事之大殆有光於先烈
者歟

於昭文皇光承洪緒密運神機奠鼎燕冀天縱文武一

怒安民兩京並峙內撫輿圖外扼關塞以握要幾以據全勢

攄武師

韋昭言大烈之震天下我文皇之天縱神威廓清華夏武師之震不有甚于吳哉

攄武師威加四海奮雄圖大畏小懷民迺蘇廓清中土功不可踰風聲丕冒如唐虞季犁已討古剌羣趨明明天子頌往古疇與俱

燕歌行

燕山九月肅寒威處處邊陲思授衣

鮮一

愁聽砧杵守空

幃鬱陶思君君不歸

鮮二

賤妾淚下如珠璣君知不知何

睽違

鮮三

表腸摧傷撫琴徽歌聲何短吟何微

鮮四

推窻月

隨留餘輝簷前星宿寒芒稀

鮮五

手擲金錢暗自祈歸無

定期情無依

鮮六

朱門炙手瑣重闌滹沱凍合雪霏霏鴈

無書寄空南飛

鮮七

豫章行

人生自有命今日何可移富貴不足慕貧賤安能辭
商宗無夢寐版築疇能知西伯不出獵羊裘終釣垂自古
賢哲人所遇皆如斯若不委窮達貿貿將安之

短歌行

有酒盈觴有歌盈章人壽幾何靡皆延長再觴再詠其
樂未央樂不及時空用悲傷況也分定妄求奚遑聽我
短歌短歌勿忘

長歌行

百川每東注奔啓時西馳人生草頭露壽命安可期
綺不復在喬松何所之古來誰滿百此理不待推延年
果有藥焜黃胡復衰矧茲功名薄竹帛無由垂及時不
為樂老大悲何為我今歌長歌長歌以自怡

鰕組篇

神龍忽下謫混同鰕組泥黃鵠志千里不及鷦鷯栖周
公居攝後三叔流言憐尼父道莫宗楚狂歌鳳兮毀譽
何足憑謗議空相擠莊周齊物化萬物安能齊

從軍行

遼陽烽燒飛狼烟
牧馬羣兒荒草邊
請聽從軍五更轉
城烏起堞天蒼然

羽林行

朔風吹太行
白日沙飛黃
溪谷少行蹟
邊馬嘶欲僵
行見交河下
羽林兒
獨強臂
鷹挾匕首
金勒紫絲韁

公子行

寶馬珊瑚鞭
爭看美少年
蹀躞長安道
買醉青樓邊
盈

盈樓上女邀語杏花前歡歌猶未已竟日那知旋

女耕田行

布谷聲催笋解籜誰家女子事東作自言母老兄出門
出門從軍未及婚有妹同胞已先嫁獨自服田力耕稼
以刀斫地可代牛疏犁畦隴開澮溝時雨不來禾盡槁
修圃築塲愁有秋南隣北舍莫相笑有淚空流向誰告

白苧歌二首

中庭良夜張華筵美人如花嬌且妍趙瑟秦箏調蜀絃

回眸轉袖銀燭前為君起唱白苧篇金壺半瀉漏濺濺
今君安坐聽我鼓願為雙燕簾前舞

新裁羅袖長且輕明妝皦皦纖塵生舞向君前進玉嬰
流目暗盼嬌盈盈百年如戲莫蹉跎請君試看東流波
東流不回西日逝我今不樂將如何

鞠歌行

雲出岫龍起猗乘風升雲騰碧空歌鐘歇曷自工還思
相和旋為宮薄責人厚責躬人莫已知吾道窮嗟揚雄

賦河東猶待吹噓送上穹子期沒伯牙終千載無門繼
古風

出門行

河流滾滾逝不轉年光迅速一如卷美人遙隔天之涯
欲涉難將水清淺少年何事輕出門別離易兮車無輪
我身似轍遺漸遠佇立望之多荆榛君今得意誰復顧
棄我何異車後塵

長安狹斜行

長安狹斜路方軌殊難容彼美兩少年行行適相逢相逢相逢問君家君家盛華宗品服盡朱紫鼎食多黃封錫爵列羣侯出入躋九重我本倦游子莫敢當其鋒歸守畝畝間食不繼朝饔規行仍矩步險僻安能從

江南春追和倪元鎮韻

輕雷一夜抽新筍寶鴨香消山館靜行厨竹裏起茶烟禪榻風微撩鬢影杏花開殘春尚冷轆轤聲斷花間井水清照我頭上巾酒染青衫巾染塵春來遲春去急殘

紅數點蒼苔濕韶華去去追何及王孫不歸草空碧傷
春轉覺情於邑誰家紅袖高樓立陌頭柳花飛作萍鴉
鳩乳燕方營營

漁父詞四首

年來生計住吳淞舴艋斜穿錦浪中溪柳綠野桃紅煮
魚沽酒醉東風

輕雷送雨過橫塘菱葉荷花掠岸香新水漲晚風涼卧
吹蘆管和滄浪

輕舟短棹自夷猶
開遍芙蓉古渡頭
紅蓼渚白蘋洲
鯉魚風動是深秋

江天冬日淡無暉
江上漁人夜未歸
風急急雪霏霏
綠蓑青笠棹如飛

文氏五家集卷十

欽定四庫全書

文氏五家集卷十一

明 文肇祉 撰

錄事詩集

五言古詩

宿山中

出城入山寺黃葉滿林皋
焚香坐高榻靜聽松聲號
自憐失路人整從物外逃
借此雲堂宿新寒欺布袍
款然

作奇夢弄棹飛洪濤憑虛不知止萬里恣遊遨去去登
海嶠天風吹鬢毛驚覺滿齋白開窓山月高

送幻上人還月輪寺

南朝四百寺月輪古祇林幻公一出山薜蘿三改陰爾
以月為性我將雲作心浮雲與明月相送歸遙岑

贈王郎

王郎豪俠士意氣凌秋旻胸中富甲兵思為報主身少
小耻閭里撫劍開青鱗不隨俗士偶寧交屠狗人大笑

出門去奮身離風塵夜宿孤山月朝臨白馬津雲中多
猛將瞑目從征輪一朝功成後黃閣圖麒麟

寄友人

相別一何久再見何獨難忽忽歲復歲夢行山外山高
山與流水鳴琴為誰彈望望不可即書寄惟加餐

嘲桃李花

茂苑三春時桃李花盈枝爭妍共含笑自謂東君私一
朝顏色改片片隨風吹詎知喬松幹常挺歲寒姿松姿

欽定四庫全書

文氏五家集
卷十一

二

才孤直才后村李詩

登金陵謝公墩宿寺中追和李白韻

登高恣遠眺一望長江奔人世有代謝江流無朝昏緬
懷謝公跡今已成郊原白雲隨日散明月浪中翻行行
入古寺中壘石為門石門時靜掩萬竹寒雲屯回視四
山寂幽賞誰與論謝公不可起誰復為招魂興亡餘六
代斯人安獨存風流日已遠秋草埋荒墩游人自來往
不聞車馬喧我來覽古勝懷古不成言借栖巖下石枕

石移雲根夢破起默坐便覺丹府瞰幽情頗暢叙無勞
綠竹繁有酒且斟酌摘蔬開寺園人生如過鳥何用尋
仙源

歸山寄金臺知己

北走仍南圖所交非俗儒黃金不足重意氣凌天衢瞋
目視王公不敢私微軀謂身可立致方希佐黃虞蹉跎
不得遇五噫出京都歸來無產業東作誰相呼彈鋏徒
激烈出門空踟躕賓客不在眼吾亦自忘吾忍饑時誦

欽定四庫全書

文氏五家集
卷十一

三

聖真下口皆古也目下目定至息月月具也下尚目方

終日一女子西窗自可木多雲步日月仙在土作木言
知我學潛夫

擬古五首

翩翩林間鳥悠悠嶺上雲雲出本無心鳥飛時念羣物
亦欣有託矧余處世紛中腸慕遐舉落無所聞歲月
去云疾荃蕙寧久芬古道已寂寞吾衰亦何云

其二

人生駒過隙一朝難再晨有酒且斟酌行樂須及辰胡

為自結束不用常悲辛四海盡兄弟何獨骨肉親苟隨
往化滅同作陌上塵願言棣華接勿與衰草均

其三

庭前雙桐樹四月始見華盛夏敷繁陰亭亭疊青霞
禽鳥知所止吾亦愛清嘉大火忽西流敗葉隨風斜空
抱大雅材委棄若泥沙何用覓知音相與訪伯牙伯牙
沒已久行行浩無涯

其四

女美衆所憐士窮世所賤貴賤何足言世情從此見買
臣未遇時愚婦心先離季子佩金印妻嫂迎恐遲自古
已如此何用空悲噫

其五

東方有美人遠在天之涯窈窕淑且婉意態殊閑佳春
風借色艷色艷嬌如花珊瑚初出海未足比光華誰家
白面郎金勒紫游韁欲涉不可即立馬遙相望何如化
鸛鵲飛傍朱欄旁

山中徐步

山中初雨過一雨樹如沐幽人獨往來幽鳥弄成曲僧
來薦新茗狎客事碁局斜日閣西嶺扶杖下山麓

感遇

我昔少壯時委懷在書史被褐欣自怡策駕辭鄉里一
往三十年無成復耒耜寢迹山南村真想只如此緬懷
望前途歲月去何駛

寓言

昔為凍餒驅投耒學干祿北寢與南圖燕趙日馳逐縱
有邀舉心不及雙黃鵠誤落在塵網歸來宿茅屋田父
相往來慰我素心曲俯視池中魚仰送飛鴻目荏苒星
氣流壺觴聊自足

卜築

結廬山南村素心可與言鑿沼駕飛虹題為日涉園居
室八九間環周水潺湲惟與鳥雀馴不聞城市喧去去
百載外身名安用存

仲夏

夏日樹扶踈園亭敞中虛寄傲北窓下泛覽古人書仰
無慚高鳥俯不愧游魚只此有餘趣吾真愛吾廬

與友談昔

昔我年少壯志逸游四海荏苒四十秋無成徒慷慨且
復歸去來山中得君在晨夕相徃還芝蕨共攜采前途
知有幾無須問真宰

園林秋夜

獨坐聞秋聲秋聲來樹間燈影搖虛室悠然意自閒
閒情付流水日夜猶潺潺人生誰滿百何獨往不還

雪

飛雪滿園林號寒有負薪千樹梅花綴寒枝玉勒新呼
童貫酒至竹爐溫火親羹殺素紹公僵臥不干人

雨

仲春時雨降草木俱欣欣水長新波濶風來水弄紋茅
簷語玄鳥四山生白雲愛茲品類繁野色過橋分

唐人曹鄴因舉不得第有四怨三愁五情詩余亦要作一怨二愁三情以望詩人救

美人顏如花顏好誰人知無媒不得嫁終亦還自疑

右一怨

春來萬卉妍枯木新條發著意待東風難消頭上雪
髮白終難變金燒亦不成人生誰滿百何以學長生

右二愁

桃李盛春風芙蓉媚秋渚開謝各有時天工豈無處

獨鶴翔天表孤鴻下沉湘何如雙飛燕營壘棲離梁
有女適王孫或作黔婁嬭羨殺嫁田夫白頭常相守

右三情

園亭

園林敞南軒悠然與世隔早起看青山山青一如昔清
風從東來吹我頭上幘眷彼松菊存品彙隨動植隣叟
有好懷往來數晨夕

雨過觀魚

天時久不雨池沼水皆涸夜來新雨過水漫復如昨游
魚隊隊行悠然自泳躍莫道我非魚我自知魚樂

五言排律

鄔都尉招飲

主家開綺席晴日敞華堂賜第連霄漢朱樓傍苑牆飛
花沾燕壘垂柳轉鶯簧錦瑟當筵立銀箏列雁行舞
娥敲翠袖侍女伴宮妝法酒傳中使珍盤出上方畫屏
圍玉笋澗水滌瑤觴詞客調鸚鵡彤庭儀鳳皇紅蓮分

太液策竹奏琳琅鶴馭羣仙駕鑪薰內賜香月高人未
散斗轉露華涼

虎丘劍池後禊

風光今日好閒步劍池邊修禊千年事暮春三月天空
中樓閣迴池上轆轤縣少長忽咸集嘯歌時劃然流觴
環列坐煮茗汲三泉放浪形骸外登臨杖屨前巖花晴
拂檻澗草暮含烟攜榼追歡賞沿流急管絃蘭亭蕪勝
迹一記至今傳

海上觀潮

八月近中秋聞來海上游凝眸瞻貝闕俯檻聽龍湫
躍乾坤浴空濛天地浮潮聲奔萬馬水氣動潛蚪怒浪
翻蛟室驚濤擁蜃樓此身空浪跡處世一浮漚慷慨心
猶壯年光日夜流

七言古詩

桃花磯逢丈者

虞山山高高入雲下有古磯烟氤氳萬樹桃花夾流水

水邊雞犬聲相聞雞犬相聞茅屋底屋底老人坐不語
豈是當時遺世民避秦虐政來居此笑而不荅意自欣
觀之古貌亦古心我欲跪之間寶訣回頭不見深山深

石湖行春橋步月

晚來雨過煙藏寺日閣沉沉萬山紫須臾湖光潏灩迴
驪龍弄珠出海底海底一躍千仞高星光閃爍浮金鰲
朱欄倚遍市喧息酣歌倒坐醉中豪當年此月今不改
曾照吳王舊臺榭吳王臺榭蹟已陳惟有此月今猶在

古人今月已千秋
今月古人今在否
眼前烟月不堪數
何如范蠡西施游

寄羅達夫石蓮洞歌

文山蒼蒼文水碧
中亘綿延連一脈
石門閼道虛翠屏
天削芙蓉秀絕壁
絕壁危崖五色溶
仰看菡萏排穹窿
丹牀石竈隨所設
奇花異卉青溟濛
天降羅公美顏色
即今海內文章伯
詞源倒瀉三峽流
珊瑚出海秋月白
奪標曾擅少年場
甲榜名題金字黃
明堂法座列鏞磬

石渠中秘聲琳瑯建儲一疏上天子萬言切直因忤旨
歸來重向洞中游長齋乞鉢常如此洞門倒掛蓮花巾
手揮玉麈辭將迎名山或有異人遇跪受寶訣祈長生
承惠石蓮洞歌調逸意古竄出塵外誦之再四萬永
令人不能去手會當索善鐫爲入石壁間當與此洞
同流宇宙也倉卒未即賡和誠負高情滯迹病踪歲
增一歲不足道燈前夜色倍有懷人

世講弟羅洪先頓首

元夕篇

長安今夕是元夕皇都佳麗無殊昔昔時曾到蓬萊宮
龍膏鳳炬光千尺千尺光凝結綵樓鰲山重疊雲烟收
烟收明月正當頭仙禦燃燈復道周遙瞻天子六龍馭
五色雲車擁高處高處離宮別館開翠蓋鸞輿繡幃御
出向天街紫陌長王侯第宅鬪新妝新妝初罷踏明月
蕙火蘭烟滿路旁路旁許史金張宅銀燭高烧邀上客
上客調成鸚鵡篇鳴金伐鼓開華席歡歌未已夜將闌

星斗橫斜禁漏殘傳呼行辟候朝者聯鑣玉珮聲珊
珊

避暑

避暑來遊到虎丘虎丘南去林堂幽林堂幽靜無人至
修竹千竿碧欲流竹樹扶疎覆亭館浮瓜沉李調冰碗
一觴一詠暢幽情不用銀箏并翠管翠管銀箏醉昔
時昔曾沉醉習家池何如跣足科頭坐世事紛紜慙不
知

打魚

山田犂角麥秋寒山雨欲來風激湍觀魚踞坐得真樂
閉門新竹千琅玕千竿竹暎蒲柳綠陰符在匣羞更讀
惠連池上冒雨來攜幼呼朋慰羈馱獨有元龍興自豪
命童打魚魚尾勞大魚掘強小魚棄饗子揮刀飛雪
高欣然一飽意自足不羨鏡湖分一曲六畝魚租五畝
竹曾看陶朱治生錄不圖利倍有十千但願怡怡天樂
全君不見田家以感荆再合姜氏共被今猶傳况吾與

爾樂便便十日一游期莫愆

右子悱弟約余旬日一游山園偶愆期不來詩
用招之即冒雨而至遂命童子打魚供餉既醉
而還賦以長句兼示後期

彈琴

岡上梧桐高十尋梧桐翠葉敷清陰主人獨自撫琴坐
獨坐閒調太古音太古遺音久不作此道只今空寂寞
鍾期已矣伯牙亡千載知音已寥廓悠然流水與高

山山蟲蟲兮水潺潺方壺員嶠在眼底一笑推琴心自
閒

夜臥墓所不寐

孤燈明滅茅簷深布衾單薄寒相侵月高山寺聞鐘
聲耿耿不寐生憂心心摧腸斷身無倚春宵獨臥荒村
裏少年一刻千黃金此時一刻愁萬縷愁思萬縷夢親
幃驚覺惟聞烏夜啼起來試取春衫著猶道當年戲綵
衣

贈沈道人

沈休別我非一日歸自南屏峴山隔峴山岩堯雲水西
碧浪湖連芳草色今來訪我白雲深雲深塔影空沉沉
銅盤戲曲梅花衲駐顏不用燒黃金修髯玉立絕塵鞅
竹籜為冠鳩作杖恍如洪景出山圖獨行徐步紅橋上
紅橋東來虎阜居分明諸葛南陽廬與君朝夕數來往
還讀人間未讀書

錢學博青之七十

與君同學二十秋復同追隨京國游兩都共賦獻宸旒
當時人擬稱元劉天閒寥曠俱未收臯比君擁登萊州
掖道宮牆環講求洧川再轉仍淹留何當伊洛多名流
種成桃李滿谿頭忽憶吳山思乞休拂袖歸來志已酬
孫曾繞膝鸞鳳儔琅琅作賦輝皇猷我今花甲亦已周
費盡黃金一敝裘何時解脫釣鰲鉤歸與君盟沙上鷗
上元日兒輩集諸友會文至晚張燈小酌

去歲有兒同客處一燈相向愁依倚我今歸來忽踰年

兒獨淹留在京邸歸來兒輩仍紛紛大兒小兒皆屬文
盍簪會友集同志奇文賞析俱殷勤須臾雪霰滿庭宇
飛花如掌隨風舞燃燭高張四壁燈坐中上客調鸚鵡
吾家老叔八十強牀頭酒熟呼我嘗東隣兄弟衣金紫
尚憂不足心遑遑今日諸君各矢志致身早早少年事
流行坎止順吾常鼎鼎百年真是戲

贈楞伽南上人七十

當年曾臥楞伽寺日有敲門問奇字
窓明几淨獨焚香

燕雀猶懷鴻鵠志南郊上人方少年誦經趺坐佛堂前
閉關日夕修禪觀金磬時聞落遠天汲泉煮茗隨吾適
時采於山美可茹上人真是遠公流媿我元非蘇晉侶
誤落塵網三十年歸來重到湖山邊來叅雪竇一龕裏
袈裟雲臥如金仙香燈歲晚無異昔小閱浮提已七十
願結蓮社山之中自笑聲名何用足

九日登吳山

吳山山高高入空懸崖削壁青芙蓉登高今日逢重

九結伴同遊山上峯峯前山下人如蟻走馬乘輿並肩
倚日暮行人尚未稀畫船簫鼓中流起簫鼓聲悠湖上
游湖光山色揔宜秋行歌雜偕遊人散明月滿山烟霧
收

閒居自述

十年上書不得意歸來高臥深山裏山深被褐掩柴扉
環堵蕭閒少知己知己無人斷往來兀然獨坐茅簷底
茅簷兀坐不記年無復馳心慕青紫一朝忽枉故人書

問我何為不入仕幡然一出向長安萬言不敢干天子
天子詔許為園官低頭授職聊居此此身踈嬾不受拘
白首為郎還自耻飄飄掛冠神武門神武門前乞恩旨
蒙恩早賜拂衣歸拂衣依舊還桑梓桑梓山林日月長
日上山窻呼不起羅列孫曾繞膝前膝前歡舞歌樂
只

七言排律

石湖遊泛

春來今日到湖濱湖邊村市人紛紜波光遠映蘼蕪沒
山色晴開錦繡文茶磨山頭茶正熟盟鷗亭外鷗成羣
青帘隱樹酒家近翠帶牽風水荇芬錦瑟瑤箏湖上起
朱簾畫舫鏡中分醉如白傅圍紅袖嬾學羊欣寫練裙
谿畔漁舟垂晚釣寺中樓閣帶斜曛舉頭月色當空照
何處鐘聲滿座聞千古興亡已陳迹吳宮越壘空氤氲
北京西山借榻碧雲寺

入山蘿薜晝沉沉下馬行過古洞陰獨倚石橋看急澗

坐觀庭宇俯喬林環墻山色浮烟靄繞砌泉聲和磬音
虛榻借栖清夢醒間窓臥抱白雲深梵鐘催落窓前月
老衲時彈膝上琴
名蘋婆
梅花滿地飛紅雪
菴竹千竿倚翠岑
何日拂衣重
過此常依清境洗塵心

文氏五家集卷十一